

賢劫經卷第七 亦名賢劫定意

談七

西晉三藏竺法護譯

十種力品第十五

佛告喜王菩薩何謂有處無處深淺遠近度無極有六事從其處所逮得審諦了其本末是曰布施所可識知解三界空等無有異是

黃文煊刊

曰持戒諸所曉了悉以分別而得普入仁和之地是曰忍辱其弘誓行至德之業強而有勢是曰精進毀壞眾穢十二緣起令無有異是曰一心所可遵奉而以知時不失聖教是曰智慧是為六何謂知去來今度無極有六事若能除盡所作眾業眼耳鼻口身心所犯是曰布施若能消滅諸緣報應生死禍福是曰持戒斷棄所因五陰六衰因緣之對無有事業是曰忍辱若離罪福自然消除三界生死是曰精進憚怕懼然斷色痛想行識了無所有是曰一心所遵奉行使無所生其志坦然以道為元是曰智慧是為六何謂知世若

千種類度無極有六事假使眾生斷若干種眾雜之行不以恣意是曰布施斷若干種陰蓋諸入奉行遵修六度無極是曰持戒雖在諸種不計有人了諸虛無是曰忍辱由在諸品應病與藥令三界眾生三毒消除是曰精進處於四大除貪不計導御眾迷消諸所有是曰一心在於諸種思惟識念解一切空是曰智慧是為六何謂知世諸根增減言各不同度無極有六事解知四大合成散壞不自計身是曰布施覺空其眼耳鼻口身心所行而無所犯是曰持戒解心自然一切本無無所不通是曰忍辱若能解了男女壽命苦樂善惡觀此六根了無有本是曰精進其能分別信戒定慧此五根者習道之元是曰一心若能通暢在所分別是他人根諸殊異念一切解了眾生此根是曰智慧是為六何謂解世好不好若干行度無極有六事隨人所好尋為開化應病與藥是曰布施所集勸誨慈

心一切無所傷害是曰持戒從其所樂隨時消除一切眾罪所犯諸惡是曰忍辱決其疑網盡眾懈廢是曰精進消諸所生及無所生都使永盡是曰一心順其所好而令寂然以權方便而消化之是曰智慧是為六何謂智普入諸行欲縛解縛眾欲方便度無極有六

談七

二

事若能解了眾苦根元而燒盡之熾然道教是曰布施知諸惱源速棄眾患姪怒癡垢是曰持戒體解道誼施以安隱消除眾患是曰忍辱趨疾暢達至無上道長樂法樂是曰精進分別諸行罪福所歸五趣本末是曰一心以知行趣有無之處生死泥洹是曰智慧是為六何謂根力覺意一心脫門定意正受度無極有六事若以此法惠斯安隱不造眾惡以恩加人是曰布施若平等施貧貴無二而無偏黨是曰持戒懲傷他人以法勸助入於道義是曰忍辱自懲傷已神寄其中本非我有不計有身是曰精進解一切空消除名稱

愛不自大是曰一心以解無常苦空非身無吾我人以此化眾是曰智慧是為六何謂識念過世度無極有六事若識往古宿世所更無數劫事以用誨人是曰布施知在天上人間地獄餓鬼畜生五趣所歷是曰持戒分別罪福善惡所趣悉伏其心是曰忍辱曉了塵

勞愛欲眾穢而無所著是曰精進其心體解一切皆空寂無有想是曰一心消滅一切諸所有業觀見一切眾生根源是曰智慧是為六何謂天眼度無極有六事天眼所觀見於禍福善惡所趣是曰布施所應奉行不犯殃

談七

三

見眾生根是曰忍辱若見一切不以惡厭開化盲冥是曰精進察眾闇蔽有路無路是非所趣是曰一心顯示光曜令得自歸緣是得度是曰智慧是為六何謂諸漏盡度無極有六事觀諸穿漏瑕疵無益棄之習道是曰布施不樂諸漏淫怒癡念志存道法是曰持戒

不習諸垢常修清淨是曰忍辱開化衆心曉了諸想陰蓋諸入不爲放逸是曰精進體解諸漏習從道教多所通達是曰一心入於生死勤在諸漏開化衆生令發道意是曰智慧是爲六

四無所畏品第十六

佛告喜王菩薩何謂以成正覺解了斯法第一無畏度無極有六事速得佛道清淨盡患生老病死是曰布施心存無爲志弘誓願無上正真是曰持戒以真諦觀一切皆空無有邪見是曰忍辱一切悉解三界所生悉以無根靡不通達是曰精進爲一切智暢化三界

諸天人民及三惡路是曰一心遊八部衆宣布道化各令得所而無所畏所願已成是曰智慧是爲六第一無畏何謂平等了諸漏盡第二無畏度無極有六事佛者無漏諸漏已盡一切無難是曰布施無有處所止處已斷無有欲界色無色界是曰故戒所生無生俱

無所起是曰忍辱所經名稱玄虛無際不可得元是曰精進志懷誓願以越度世諸有八法是曰一心存于解脫輒獲無失逮無上正真是曰智慧是爲六第二無畏何謂佛所說法真要無比咸受奉行第三無畏度無極有六事所可遵修了一切空知起則滅合會則散是曰布施以盡三毒諸行放逸而不馳騁是曰持戒所云滅者盡所生處永無所生是爲忍辱以消衆失眠耳鼻口身心所犯無能得便是曰精進以建立道欲度衆生除衆俗業無益之元是曰一心若至脫門生死以盡慧不可盡是曰智慧是爲六第三無畏何謂

第七

四

內應等法無能廢意第四無畏度無極有六事其內正法得三昧定無能起心令不安者自然垢盡是曰布施其無所生亦莫能盡持智慧法是曰持戒消于無常一切法空解道爲常是曰忍辱所謂內事無能蔽者以盡有罪之元是曰精進無能呈礙盡不成就皆使

成辦是曰一心所以聖明一切自然無能藏礙佛道至深能一切決滯劣中容決了明達衆生根元是曰智慧是爲六第四無畏何謂大哀度無極有六事以懷大悲愍傷一切衆生之類心不有恨是曰布施其心平等欲度衆生生老病死未曾偏黨是曰持戒若

於衆生常行守法以仁報之可悅得安是曰忍辱往來周旋每濟衆生勤苦之患是曰精進隨其所好上中下行而開化之是曰一心遊於三界終始無量度生死厄是曰智慧是爲六何謂肉眼清淨度無極有六事若能清澄地種水種心如地種而不可動洗除心垢

猶如水也是曰布施其能建立火種風種燒盡衆惡是曰持戒設燒生死令無有餘瑕穢悉消不抱瞋恨是曰忍辱目之所覩無所不見光明遠照是曰精進所行慇懃見一切無心念是非是曰一心所觀十方亘然無邊所濟無厭是曰智慧是爲六何謂天眼清淨度

談七

五

無極有六事其以天眼見諸色身端正好醜長短廣狹白黑肥瘦而往化之是曰布施知其身行名字心性身所生土見身往來周旋之處是曰持戒觀其身行分別是非合散成敗是曰忍辱察天地壞復還合成生天人物是曰精進若見報應罪福善惡道俗明冥是

曰一心見諸次第遠近深淺空無相願度三脫門是曰智慧是爲六何謂慧眼度無極有六事以成慧眼普見一切其諸衆生根本始源無所從生矣是曰布施以能成就逮獲解脫無有衆結是曰持戒既有所獲建立其心存於道義是曰忍辱所致堅強建立普遍觀

於十方悉亦了了是曰精進其所觀者猶如真諦審不虛妄是曰一心志懷悅豫亦無所生不墮罪患道意無窮是曰智慧是爲六何謂法眼清淨度無極有六事若能逮得諸佛之法十八不共是曰布施自身致斯佛十八法往濟惡趣十八苦毒是曰持戒所觀因緣

品第高下深淺微細是曰忍辱以觀一切三界所有本悉自然是曰精進憶識本末應病與藥以治三病是曰一心所見不虛不為愚觀坦然開化一切衆人是曰智慧是為六何謂佛眼清淨度無極有六事以佛眼見無所罣礙悟不覺者是曰布施所察愍傷一切衆生二苦之惱是曰持戒度脫衆生不遭諸難未得久安是曰忍辱所視無量玄遠無底不可為喻是曰精進觀其根本若枝葉菓以熟欲落而就挽之是曰一心見本末然從緣而起以了本無則無所生是曰智慧是為六何謂自在度無極有六事若得由已作行究竟而不中止是曰布施所行到處輒得所願不違要誓是曰持戒自在立行逮得無想救諸所著是曰忍辱仁和柔順分別以解於一切慧是曰精進一切皆盡慧不可盡是曰一心解一切法明慧聖要化諸不逮是曰智慧是為六何謂娛樂度無極有六事所施與者

談七

六

離于希望猶如虛空化五百蓋覆比丘衆若梵志聚名曰頭那井中水泉自然甘美是曰布施若入城里人民普安笙篴樂器不鼓自鳴是曰持戒諸根不具盲聾瘖瘂跛蹇疾病蒙其光明悉除衆患是曰忍辱演其光曜照於十萬無量佛土皆荷衆人是曰精進在維耶離城城中內外各各變化八萬四千諸佛身形是曰一心彼時因隨為八部衆班宣經道各使得解是曰智慧是為六何謂難得自歸度無極有六事威儀禮節安然庠序功德甚廣能攝受空是曰布施以能曉了諸佛世尊至德玄遠難不可當是曰持戒所行堅強方便隨時不失其節志願無違應病與藥而開化之將護衆業能化毒蛇提在手中以至誠故永無所畏用神足呪故不以為難是曰忍辱如目捷連疾解化魔佛與其俱度彼土衆不自覺反還在祇樹葉鉢中水且汙佛地是曰精進如佛弟子舍利弗言一時須臾有

四十九心起爲生死業佛言不可計是曰一心如佛言曰時有一城其中衆人而有重罪不計道法誹謗高德如來至真於一夜半爲說經典棄其重罪精進暢達得六神通是曰智慧是爲六

談七

七

佛告喜王菩薩何謂十八不共諸佛之法事有十八何謂無毀滅度無極有六事應時聞導具足德行令無缺失是曰布施若除伴黨不偏所爲爲無有失是曰持戒所說至要言無有失身口心寂是曰忍辱應其果報不違本旨從始發意至道無二是曰精進從其誓願各使得所不違本要是曰一心至心脫門長獲安隱無有衆難是曰智慧是爲六何謂無著無虛六度無極有六事所說開化皆宣純淑不爲雜碎是曰布施以得三達知見去來念常清淨所行無穢是曰持戒不懷害心向於他人恒抱仁慈是曰忍辱隨其人

心欲有所好而爲解說便令喜悅是曰精進爲無等倫宣布微妙猶蜜甘露加之於人心使悅豫是曰一心若爲班宣消除衆結狐疑羅網以自纏縛是曰智慧是爲六何謂無脫忘度無極有六事其心放捨功德無斷自然定矣是曰布施以一切德勸助其

意使發道心是曰持戒所行無邊遵修至義永無罪殃是曰忍辱逮得一切衆德之行正真學法是曰精進常識三世去來今事未曾忽忘是曰一心因其樹生寂然長大諦念道法不以失本是曰智慧是爲六何謂心定度無極有六事所云平等心無所生興隆道法是曰布施所可宣揚依因遊居不失道法是曰持戒其所依倚以法開化多所喜悅是曰忍辱其所遵奉六度無極正真之道皆爲他人是曰精進自攝其心以恩濟人而開導之是曰一心一切隨時如其所願其行無底各令悅豫是曰智慧是爲六

何謂觀寂無為度無極有六事所願已成吉
 如澹泊是曰布施依仰於人而寂然安是曰
 持戒行其愍哀察護諸業猶如道場是曰忍
 辱一切普護三界衆生示以道心所行無邊
 是曰精進所可將養而為一切愚惑之衆宣
 暢正法是曰一心雖為說法化身口意令無

談七

八

所犯不著三界是曰智慧是為六

何謂無有若干度無極有六事若以不生若
 于品想存心在道是曰布施其如是想興顯
 道德不離正真是曰持戒若以無意不為思
 想常一定意是曰忍辱未曾毀犯彼已性行
 護身一切是曰精進勤修應行解知其時不

失聖節是曰一心皆能達暢五趣生死往來
 周旋一切根源是曰智慧是為六
 何謂所樂度無極有六事若心念樂自護其
 心愍傷他人是曰布施設使心思往古今世
 愍念已身以哀一切是曰持戒若復喜樂講
 說經典不為俗業是曰忍辱常用隨時一切

至樂無上正真是曰精進假使好喜佛法聖
 衆斷衆愛欲不善之行是曰一心若除諸邪
 九十六種志甘露味是曰智慧是為六
 何謂不失精進度無極有六事所造勤修奉
 行道法德不損耗一切備悉是曰布施若以
 心悅哀念一切不以害心向於他人布施精

進是曰持戒若訓誨時示以道法悉能堪受
 是曰忍辱若以法明所觀一切無所傷害是
 曰精進一切所講乃說其本識其宿命乃了
 無際是曰一心所解義理不可限量是曰智
 慧是為六

談七

九

何謂無有失意度無極有六事意所識念乃
 知前世無數億劫而無邊崖是曰布施所憶
 迥遠無央數劫積累功德是曰持戒若以察
 知如審清淨永無垢濁是曰忍辱識了所好
 從初發意古今所行是曰精進心入所念念
 一切法進退本末是曰一心斷一切想各各
 不同憶念宿世分別曾所更歷是曰智慧是

為六

何謂不失定意度無極衆行有六事受四等
心慈悲喜護定意正受是曰布施設能啓受
立四意止無身痛想法是曰持戒奉行至德
修四意斷斷無所斷是曰忍辱以逮神足飛
到十方教化一切是曰精進若行禪思受得

成三昧定是曰一心若以聖明諮受道慧而
不虛妄是曰智慧是為六

何謂不失慧度無極有六事若受慧根智不
可量知衆生元是曰布施心力勢堅強獲致
慧力乃至佛十力是曰持戒逮得覺意寤化
道示諸不覺者令得達明是曰忍辱以曉了

心啓受道義行不可計是曰精進逮分別解
十二緣起知因牽連由不覺故是曰一心以
斯聖明致十種力四無所畏十八不共諸佛
之法是曰智慧是為六

何謂不失解脫度無極有六事身力堅固心
若金剛不失至要是曰布施處在大衆若在

獨處心常如一無所云失是曰持戒遊于擾
慣衆鬧之中而不迷誤是曰忍辱解知他人
衆生性行所念善惡是曰精進安諦建立無
上大道不滅盡慧是曰一心以無生慧消去
處所使無所存唯志經典是曰智慧是為六
何謂解度知見度無極有六事所行至實不

為虛偽輒得如願是曰布施其所覩見唯見
無為度衆有為生死之難是曰持戒察欲之
穢覩其本末從因緣起是曰忍辱從地至地
備具諸住建立果處十住之業是曰精進禪
思行道心之所生以逮住處是曰一心若著
衣被加之在臂方便副除一切衆惡無所亡
談七

失不違解脫是曰智慧是為六

何謂知身行慧明所轉度無極有六事身行
勤修一心正行守身口意不以為厭是曰布
施導化其體不殺盜淫而無所犯是曰持戒
奉修十任不使所住有罣礙業是曰忍辱專
精一心立衆德本以施一切是曰精進令無

數人得其報應十方福報是曰一心以身告
教而顯神足飛到十方見諸佛說法是曰智
慧是爲六

何謂口行轉進聖慧度無極有六事口所班
宣說無上法會所更歷解決諸法未曾厭倦
是曰布施其音普至入一切心令行清徹是

曰持戒開化衆會悉令通暢無上正真是曰
忍辱所演法訓其聲周遍徹于十方是曰精
進常憶至行不爲虛損至真專精篤信思惟
是曰一心所可班宣未曾虛妄多所安隱一
切衆生是曰智慧是爲六

何謂意行轉進度無極有六事若意心正思
不在邪心存行念本常清淨是曰布施其以
聞法御導惠冥化諸所著是曰持戒其能導
利有無之業立平等行是曰忍辱假使學法
棄捐吾我不以自大是曰精進釋離愚癡志
存大明無有暗蔽是曰一心其行深妙卓然
有異而無限量是曰智慧是爲六

談七

十一

何謂知過去世所見無罣礙度無極有六事
觀其諸果衆種四大了之本無是曰布施察
諸陰入色痛想行識本無處所是曰持戒視
諸六衰根元甚微緣對而生是曰忍辱觀其
善惡罪福所由皆因貪身是曰精進斷衆塵
勞常行清淨無有諸垢是曰一心察衆生盡

十二牽連本無所生是曰智慧是爲六

何謂見於當來本末所有無罣礙慧度無極
有六事其見過去五趣合散猶如春秋熾衰
成敗是曰布施若能分別諸所邪見六十二
事不墮顛倒是曰持戒觀于人元分別合散
本無有本是曰忍辱察於衆生當以何藥而
療治之是曰精進觀其所生剖判進退各有
緣行是曰一心曉了報應自觀可化而往開
度使發道意是曰智慧是爲六
何謂知現在不可限礙度無極有六事觀其
所造因緣之對訓化群生興立功德是曰布
施見其所由解三脫門奉六度無極而致成

就是曰持戒所奉行訓悉離貪欲志慕道法以法爲樂是曰忍辱觀一切形微妙麁細皆悉滅盡無常存者是曰精進見於證明三界如幻一切本元無所違失是曰一心若覩生死無爲之元有數無數心不處二是曰智慧是爲六

方便品第十八

佛告喜王菩薩何謂曉了方便度無極有六事若能專精善權方便隨時而入是曰布施其於瑕穢因而開化使悉清淨是曰持戒所作功德則用勸助一切衆生是曰忍辱在所遊至無所傷害而無有失是曰精進志以好

喜教誨衆生用四恩濟是曰一心入無量門宣摠持要而導利之化于三界使入大道是曰智慧是爲六何謂純淑度無極有六事若能方便平等誘進一切諸法是曰布施懷來法誨正心無緣玄微妙慧空無相願若觀八品除去八難志存八正覺了諸法本元是曰

讚七

十二

持戒觀于諸見分別迷惑不墮邪見是曰忍辱察于五趣應可開化因往救之是曰精進若見可御尋往方便而度脫之是曰一心若見有爲而入其中消諸所著令得滅度是曰智慧是爲六何謂見自然度無極有六事所逮功德虛無所倚坦然弘曜猶如一心歸鏡

光佛是曰布施身不懈倦無所貪惜若如月光盛滿盛明照星宿時明眼仁人真審了了是曰持戒若能覩見一切諸法皆悉如空是曰忍辱所可禪思皆見諸法適生尋滅悉了別此是曰精進不見施者而有救濟自覩不及是曰一心觀身心行口宣法教有益一切而無有二是曰智慧是爲六何謂欲行界業因緣罪福度無極有六事見所習欲爲瑕穢業本悉清淨已立罣礙是曰布施觀一切法自然寂寞用不達故自作殃福是曰持戒所觀玄遠極底無際是曰忍辱自視其緣罪福悉盡無久存者是曰精進緣對雖滅見所當

行方便之宜輒居正真是曰一心罪福既盡不復更造三界之難見無所生是曰智慧是為六何謂色行因緣業度無極有六事見諸色緣皆由身作思想不了而橫起是報應之元是曰布施觀衆色者皆有因緣未必橫來身心迷故是曰持戒察所生處天上人間若

第七

十三

三惡趣罪福之應是曰忍辱若觀所生而念相處是曰精進常視報應歡喜悅豫是曰一心護高寂然下者悛怕悉無所著是曰智慧是為六何謂無色行業度無極有六事若等於色墮在欲地清淨之處不行妄想是曰布施見其所行五事之業戒定慧解度知見品是曰持戒假使能盡因緣之業不生禍福是曰忍辱勤修至行悉令平等而無偏邪是曰精進若以篤信其行精修而無垢濁是曰一心所見常明如晝日行不見闇冥無所破壞無所不濟是曰智慧是為六何謂觀清白行度無極有六事若以觀見住立處所清白慈

地欲遠斯住是曰布施其能獲致瑞應之業不起三事身口意行是曰持戒精進奉行四恩之法而無斷絕是曰忍辱所觀坦然道意巍巍而無邊際是曰精進積功累德日日增長聖明之行是曰一心察于清白消除衆生生死諸善惡想及諸法想是曰智慧是為六何謂法種度無極有六事觀諸法苦用不達故而造禍福是曰布施於其中間心無所處不在有無是曰持戒若見愛欲疾而消之不令生長是曰忍辱其存正性未曾違失無上正真是曰精進具足種性三十七品不斷佛種是曰一心心成八等逮致諸法而不取證

是曰智慧是為六

八等品第十九

佛告喜王菩薩何謂八等度無極有六事若信八等篤樂執御不墮八邪是曰布施於八等行執持道法不為俗榮是曰持戒既在等行存平等業而得自在無侵欺者是曰忍辱

一坐不興遠成羅漢行度三界無復生死是
曰精進因從八等致於道迹往來不還無著
真人是曰一心以越眾流分別若干懷來斯
義無上正真是曰智慧是為六何謂道迹法
度無極有六事因其道迹以次致明消盡陰
蓋淫怒癡冥睡眠調戲是曰布施以盡愛欲

談七

十五

無復眾穢不淨之行是曰持戒七及往來天
上世間乃盡眾漏是曰忍辱家家行乞以福
一切世間得安是曰精進其以一行守身口
心捨一切業無益之元是曰一心其無所著
解一切空三界本無是曰智慧是為六何謂
往來微塵度無極有六事雖在三界觀其色

欲稍稍向滅是曰布施其見塵勞愛欲之難
心未曾犯是曰持戒察其罪豐轉欲薄甚究
竟今無是曰忍辱以明通利觀眾罪業從其
行成是曰精進以見燒盡一切愛欲今無有
餘是曰一心解暢一切生死之元以去愛著
無復眾患是曰智慧是為六何謂不還度無

極有六事以能遠離欲界之著行四恩法四
等無厭是曰布施其心無餘勞穢之難極盡
其元不復還世是曰持戒生二十二善施諸
天在上修行不捨道業是曰忍辱夙夜勤修
存心在法若生二十三善施性天是曰精進
若生二十四無結愛天在上亘然心無求天

是曰一心若以親近六通至行正士之路致
於慧藏是曰智慧是為六何謂無著度無極
有六事以盡亡失忽悞之法至阿羅漢是曰
布施不復須待無士失法自然盡矣是曰持
戒若以篤信而得解脫心不懷疑是曰忍辱
其心慧解而至滅盡生老病死是曰精進消

談七

十五

盡眾厄三塗之難身自證明是曰一心俱得
解脫周旋生死永盡無餘是曰智慧是為六
何謂緣覺度無極有六事觀於少事處山寂
靜不貪身命不為眾闡是曰布施與正士業
以選擇法正真宜同能將時宜是曰持戒獨
處守志不為放逸是曰忍辱以逮解脫度三

界去無復結縛是曰精進若修寂然至于淡泊心無所著是曰一心致一品業正真之本

何謂菩薩度無極有六事所行救濟常以等心無有諛諂是曰布施得致和性常行安隱用療治心如其所生而開化之是曰持戒若

以等心加於衆生不爲傷害是曰忍辱若以奉行深要空法無上大道至真之義致一切智是曰精進不倚他意而不復還墮於小節正受平等是曰一心不厭生死以慧開導一切衆生是曰智慧是爲六

何謂盡慧度無極有六事其以盡慧修治所應不墮短乏是曰布施若用善諦療治衆行身口意淨是曰持戒所行除穢清淨光明而無有相是曰忍辱以斷諸迷樂在正真宣所當宜順佛法教是曰精進無所吝惜一切所有皆能濟厄勤修正真是曰一心以能棄捨諸不可業一切無明遠致巍巍聖達六通至

一切智是曰智慧是爲六何謂無所生慧度無極有六事其愛欲本報欲起者曉了悉空慧無所生是曰布施使無往形亦無還反解無所生是曰持戒不與世法而有緣雜唯純修法是曰忍辱專修脫門空無相願無所失是曰精進所以能見無所生慧用見一切

悉無所有是曰一心以斷衆念一切塵垢不懷妄想是曰智慧是爲六何謂建立度無極有六事若正法住設正法沒心不捨道致衣食養及與名聞是曰布施在于法訓無所倚求心等如空是曰持戒其能歡悅四種姓人不倚於四是曰忍辱若以勤修方便果實求

談七

十六

于正真無上道果是曰精進在阿須倫時常學經典不捨三寶是曰一心一切世間悉聞其法轉受奉行無有邪心是曰智慧是爲六何謂致天眼度無極有六事若以天眼見一切色心無所著了虛無矣是曰布施設能明了觀于無色用行善權不墮欲界是曰持戒

假使解達無像之色達之心等無有憎愛是
曰忍辱以察生死往來周旋衆難之患不以
拘畏是曰精進其觀無念等一切思內外無
礙無有所歸是曰一心若視寂然其心淡泊
猶如虛空不可限量是曰智慧是爲六何謂
天耳度無極有六事若能得聞一切衆生言

語音聲天上妓樂歌舞之聲地獄餓鬼畜生
啼哭之音慈心向之是曰布施使人得聽細
微之響了一切言悉空無辭是曰持戒一切
所行悉隨道業不隨外學六十二見是曰忍
辱若以班宣心念是行隨時之宜善權方便
化以智慧是曰精進聞一切空悉無萬物諮

受經道而執誦持是曰一心揔一切音知之
盡滅歸於寂然無上正真是曰智慧是爲六
何謂心知自在他人一念度無極有六事若
心由已見諸處所三界之患欲救濟之是曰
布施其心普見善不善義斯心平等不存有
爲是曰持戒觀諸因緣報應之業本無緣對

談上

十七

是曰忍辱若觀過去當來世事悉豫了了見
其本末是曰精進以平等視現在之事皆如
幻化是曰一心普見一切衆行本元無有本
末何所有要是曰智慧是爲六何謂識念往
古過去度無極有六事見識過去所生更歷
所行是非是曰布施所作成就以用勸助無

上正真是曰持戒不用頻來而皆滅盡令無
所生是曰忍辱以是名号爲無所有有所觀
見見一切本是曰一心以若干品班宣經道
開化三界導利危厄是曰智慧是爲六何謂
神足飛行度無極有六事以得神足在所飛
騰到於十方是曰布施所行方便常順法義
解五陰空無所破壞是曰持戒興造大哀憐
傷衆生欲度脫之是曰忍辱所行具足猶如
月滿衆星中明而無漏失是曰精進若能自
制五陰六入十二緣起抑伏其志是曰一心
其不精進化令勤修入無極聖是曰智慧是
爲六何謂漏盡度無極有六事以見彼已不

討彼我無有衆漏是曰布施以觀諸漏知習所生使無所起是曰持戒視一切漏本悉無根皆以滅盡是曰忍辱而身逮得察諸漏盡盡無所盡不見生死之所歸趣是曰精進其使衆漏根本自然永無有餘是曰一心以精進力拔斯衆漏而無處所見無所趣是曰智慧是爲六

何謂威儀度無極有六事以用威儀使無數人咸用禮節和心歡喜是曰布施普多所悅一切衆生無不喜歡諮受法訓是曰持戒所觀專精而不放逸唯存大道是曰忍辱行來安徐而不卒暴是曰精進威儀不缺禮節備具是曰一心見深遠業明曜無本德行具足是曰智慧是爲六何謂慈傷度無極有六事若有惡人心懷邪毒以衣食養而救濟之是曰布施見凶害人若遭厄難而救護之因示經道是曰持戒若外異學有所志願而自貢高悉能忍之是曰忍辱若爲衆人有所敷演

談七

十八

宣其義理猶池蓮華是曰精進以賢善業而講其義令自調伏是曰一心若有祠祀因其所興往爲說法言如審諦化儼形子是曰智慧是爲六何謂行空度無極有六事所施無厭不以爲倦化令入道不爲俗事是曰布施所作自在而得由已不從他教是曰持戒所行專精而不迴還墮于小節是曰忍辱以究竟行不中取證畢衆祐德是曰精進所應奉行常無所倚奉修純淑是曰一心隨其所好而造立行導利一切是曰智慧是爲六何謂捨捨度無極有六事其以棄捨壽命之行不以貪身所行自由無所罣礙是曰布施若棄現在在身口心五趣生死心無所著是曰持戒以結境界安法奉行四等六度而無所越是曰忍辱所可放捨捨淫怒癡皆棄一切餘苦諸見六十二事是曰精進以令衆生所行純淑不以貢高以捨所行是曰一心以離衆生愁憂之感心存至法而順律教是曰智慧

是爲六何謂滅度度無極有六事因曉了空
不以妄想其至滅度致無所生是曰布施心
所建立立於大道存無處所是曰持戒捨身
之安不倚身命開化衆生是曰忍辱以神足
力動三千界一切天人無驚怖者是曰精進
其心禪思定意正受而無所著不爲放逸是

談七

九

曰一心滅度之後散其身骨遍布十方一切
蒙恩是曰智慧是爲六何謂變化度無極有
六事分布舍利處處得之流布天下是曰布
施舍利現瑞威神光明見莫不悅是曰持戒
衆生見變心抱喜歡因發道心是曰忍辱諸
天見威功德巍巍勸之代喜是曰精進若見
仙足舍利放光其衣毛起淚即出者是曰一
心若觀舍利立至誠願現光威德五色是曜
是曰智慧是爲六何謂流布法教度無極有
六事若得衆人自歸供養給所衆乏是曰布
施常守己心令無所生其無所生則無所滅
是曰持戒若無所有見其三界佛法人物一

切自然是曰忍辱能令經典道法訓教流在
天上周遍天下是曰精進諸魔官屬見之驚
縮無當威顏是曰一心假使法教興顯流布
十方受敬各懷悅豫稍稍漸得至滅度法是
曰智慧是爲六何謂分舍利度無極有六事
爲舍利求衆供養具夙夜敬事是曰布施無
數之衆悉共歡喜歸命作禮是曰持戒若復
示現光明威神遠近來觀轉相化心是曰忍
辱諸天人咸共踊躍知其至尊緣發道意
是曰精進若見舍利無有餘樂思念佛道莫
能踰者是曰一心嗟歎舍利得妙辯才而無
罣礙致人智慧是爲六

爾時世尊重告語喜王菩薩是二千一百
諸度無極其餘復有九十諸度無極消世九
惱化九十六諸外邪學使入正真佛告喜王
菩薩是二千一百諸度無極說法宣教化諸
貪姪種二千一百諸度無極說法開化者瞋
恚種二千一百諸度無極說法開覺諸愚癡

種二千一百諸度無極說法訓誨化等分種
 是合八千四百諸度無極一變為十合八萬
 四千諸度無極佛則醫王法為衆行一切三
 界無上良藥療治三毒陰蓋得消等分反無
 無反復人因見化尊靡不解脫不奉行斯八
 萬四千諸度無極欲為百千種人除八萬四
 千

千衆垢塵勞逮八萬四千諸三昧門終不能
 成由是修立八萬四千空行法義以是化導
 百千種人消除八萬四千衆垢塵勞逮八萬
 四千諸三昧門是謂佛道深入無極致一切
 智佛言喜王吾以是法坐佛樹下降魔官屬
 成最正覺因是解法建立平等在於地分結

加跌坐便致巍巍神妙梵王恭敬忽下誓首
 歸命求哀往古誓願為一切衆生今悉集會
 咸欲聞經梵王垂淚而勤勸助唯濟一切未
 度迷惑佛成如斯微妙大聖逮最正覺寂然
 安坐而自靜默心惟此意五濁惡世九十六
 徑六十二見迷惑卒暴多無反復不受道教

不如默然取般泥洹佛坐樹下光明巍巍普
 照十方淨居身天遙見威光顏貌功勳靡不
 晃晃道德灼灼吉祥之業應當流布諸天衆
 會皆共悅豫建立大光寂寞正具聖達無際
 曜明煒煒威德普顯無上清淨三世最尊周
 遍一切十方佛界其心解徹動三千國道慧

廣遠難得見聞超絕無底名稱通暢觀此威
 神妙光無量顏容盛德智如虛空殊特無喻
 於是梵王便重啓佛悚息一心恭恪自歸說
 此頌曰

道場演大光 降魔消塵勞 震動三千國
 滅衆惡趣患 正身安隱坐 不傾猶須彌

談七

王

振耀照佛土 處樹莫不蒙 平坐諸根寂
 師子據無畏 自觀欲寂滅 勝珠護演耀
 在樹王顯威 廣布大道安 消世無益法
 滅化三塗厄 觀光顏無厭 心念諦愍傷
 審思說尊義 等演法平均 道選三世業
 耀三品諸法 以時宣意行 見道猶月滿

色映三十二 卅上大聖父 不捨無共樂
神無比梵來 觀卅在三火 覺俗以法水
常護滅燒燃 是時兩甘露 察精進無斷
迷惑得正路 明眼教無二 唯愍哀時誨
德猶海大山 衆故施覺船 斯度諸沉流
化外險邪學 人縛貪計身 邪見害愛僕

不得解久獄 導衆可化脫 生邪長睡眠
隨塵不樂道 得定戒願強 何不擊法鼓
人乏匱墮獄 五趣卅走求 常不逮無盡
何故不宣祠 無數衆懷信 在寂捨甘露
炎哀解法兩 執覺可降澤 知三卅瘡病
不覺心塵疾 得了淨醫藥 何不濟久疾

消衆生闇昧 成大德馬藏 慧光照大千
何不耀佛國 唯愍天卅人 墮在四駛瀆
何不濟此厄 護諸墮大壤 佛見諸雜想
天人住叉手 無諂棄非安 何不現道寶
佛眼觀三界 梵天勸人尊 唯哀衆邪見
轉法輪消熱 尊在師子坐 諸天人集斯

立是求潤澤 唯為轉法輪

廿二

賢劫經卷第七

談七

懼然上反趨疾上音趨殃豐近下許濡音宜跛蹇反音宜
調戲又說也抑伏上音制保反音果煒反音鬼墮

反傾况 疾丑乃反駛瀆二上使史

賢劫經卷第八

亦名賢劫定意

談八

千佛名号品第二十

西晉三藏竺法護譯

喜王菩薩復白佛言唯然卅尊今此會中寧
有菩薩大士得此定意者乎入斯八千四百
諸度無極耶及八萬四千度無極法入八萬